

Adresseinformasjon fylles inn ved ekspedering. Se mottakerliste nedenfor.

Vår dato: 05.06.2023

Vår ref.: 202205293-5 Oppgi ved kontakt

Saksbehandlar:

Silje Aakre Solheim

saas@nve.no

Dykkar ref.:

Høyring av søknad om Stavåna minikraftverk i Fjord kommune i Møre og Romsdal

NVE har motteke ein søknad frå Tafjord Kraftproduksjon AS, datert 6.1.2023, om løyve til å bygge Stavåna minikraftverk. Søknaden med vedlegg er lagt ut på www.nve.no/konsesjonssaker, og den blir kunngjort av NVE i Storfjordnytt, Bygdebladet og Sunnmørsposten. Dersom du ønskjer papirutgåve av søknaden kan du ta kontakt med Martin Holmeset på tlf. 92 25 23 98 eller e-post: martin.holmeset@tafjord.no.

Kva søknaden gjeld

Tafjord Kraftproduksjon AS søker om løyve til å bygge Stavåna minikraftverk i Stavåna. Inntaket, av typen coanda, er planlagt på kote 410. Der i frå vil vassvegen gå i ei 1700 m lang nedgraven røyrgate fram til kraftstasjonen på kote 150. Middelvassføringa i elva er 1290 l/s. Det er planlagt ei maksimal slukeevne i kraftverket på 500 l/s. Saman med ein installert effekt på 0,99 MW vil dette ifølgje søknaden gje ein årleg middelproduksjon på 6,8 GWh. Det er planlagt å sleppe ei minstevassføring på 170 l/s om sommaren og 49 l/s om vinteren. Det er behov for å bygge om lag 120 m ny veg som tilkomst til kraftstasjonen. Det er i utgangspunktet ikkje planlagt å ha permanent veg til inntaket. Stavåna er del av Stordalsvassdraget som er verna gjennom Verneplan III for vassdrag.

Kva gjer du viss du ønskjer å uttale deg?

Alle som har ei meining om saka, kan sende ein uttale på éin av følgjande måtar:

- via skjema for uttalar, som de finn på internettsidene våre www.nve.no/konsesjonssaker
- via e-post til uttalelse@nve.no (merk e-post med «Høyringsuttale» og saksnummer 202205293 i emnefeltet, og skriv namn og organisasjonsnummer i innleiinga viss du representerer ei verksemd)
- via brev til NVE, Postboks 5091, Majorstuen, 0301 OSLO

Frist for uttale er **25.8.2023**.



Uttalen eller deler av uttalen vil bli referert i eit endeleg vedtak. Dersom uttalen dykkar er lang, er det difor ein fordel om de lagar eit samandrag som kan brukast til dette.

Kva ønskjer vi innspel om?

Vi ønskjer grunnleggjende synspunkt på om planane bør gjennomførast, ev. val av alternativ eller forslag til avgrensingar i planane. Vi ønskjer også forslag til avbøtande tiltak som kan redusere skadane ved gjennomføring av planane.

Vi ber kommunen informere om kjente allmenne interesser som kan bli påverka av tiltaket. Dette kan vere friluftslivsinteresser, kulturminne, verdifulle naturtypar, raudlista artar og informasjon om vilt. Det er også av interesse for oss å få informasjon om planstatus, status i forhold til vassforskrifta, eksisterande vassuttak eller andre aktivitetar i vassdraget osv.

Vi ber Statsforvaltaren og fylkeskommunen om å vurdere om kjente allmenne interesser kan bli påverka, og i tillegg vurdere tiltaket opp mot sitt sektoransvar.

Informasjon om saksbehandlinga

Søknaden skal behandlast etter reglane i kapittel 3 og 5 i vassressurslova og gjeld løyve etter vassressurslova § 8.

Etter at høyringsfristen er ute får søkar anledning til å kommentere innkomne høyringsuttalar, før NVE vanlegvis gjennomfører synfaring i området. Alle som har sendt inn uttale vil bli invitert på synfaringa.

Søknaden, synfaringa og innkomne uttalar er eit viktig grunnlag for NVE si vurdering. NVE fattar vedtak i saka etter kriteriet i vassressurslova § 25, som er at fordelane må vere større enn ulempene for at vi skal kunne gje løyve. I tillegg vil vi vurdere tiltaket opp mot §§ 34 og 35 som seier at ingen må gjennomføre kraftutbygging i strid med Stortinget sitt vedtak om vern av vassdrag, og at bygging av kraftverk berre kan skje der det ikkje er til skade for verneverdiane. Eit vedtak blir alltid grunngeve.

Dersom NVE gjev løyve/konsesjon, kan det vere knytt vilkår til denne, jf. vassressurslova § 26.

NVE sitt vedtak kan klagast på til Olje- og energidepartementet innan tre veker frå det tidspunktet det er komme fram til parten. Retten til å klage avgrensar seg til dei som har klagerett.

Med helsing

Gry Berg
seksjonssjef

Silje Aakre Solheim
seniorrådgjevar

Dokumentet vert sendt utan underskrift. Det er godkjent i samsvar med interne rutinar

**Mottakarliste:**

STATSFORVALTAREN I MØRE OG ROMSDAL

Møre og Romsdal fylkeskommune

Norges Miljøvernforbund

Forum for natur og friluftsliv Møre og Romsdal - FNF Møre og Romsdal

FORUM FOR NATUR OG FRILUFTSLIV (FNF)

FJORD KOMMUNE

Kopimottakarliste:

TBD - Seksjon for damsikkerhet - Steinar Lund

TAFJORD KRAFTPRODUKSJON AS

TAFJORD KRAFTPRODUKSJON AS - Martin Holmeset

TBMV - Seksjon for miljøtilsyn vassdragsanlegg - Randi Holme